

اسلام گزینی

مدیری: حلیم ثابت

۲۵ جمادی الآخرہ ۱۳۳۲

۸ مایس ۱۳۳۰

صافی ۸

پیل ۱

جنك ايچنده دوشدك فتنه يه ، كينه
 غيب اولدى الله كي هر بر دفينه
 الوداع ايدينجه ، ناموسه ، دينه
 شيمدى سكا گلك ، رب العالمين !
 صوك دفعه بزلري ، عفو ايله .. آمين !

دنيا محشرنده ميزان اولغه ،
 آرتق يكي باشدن اتسان اولغه ،
 مسلمان اولغه ، ذیشان اولغه
 نيت ايتدك گلك ، رب العالمين !
 يارديم ايت بزلره ، يارديم ايت .. آمين !
 آقا كورموز

اجتماعيات

حسن وقبح

- اجتماعي اصول فقه مسئله سی مناسبتیه -

حسن وقبحی تقع و ضرره قاریشدیرانلر بو تعیرلرک ایکی معنالی اولسندن
 دولایی بو خطایه دوشوبورلر . آی و کوتو صفتلری معنویاته مخصوصدر ؛
 فقط مجازاً مادیاتده قوللانیلیور . مثلاً ای کاغد ، قنا قلم دینیلیور . نافع و مضر
 صفتلری مادیات و معنویاته تشمیل ایدیله بیلیر . لکن معنوی تقع و ضرری مادی
 تقع و ضرردن تحریق ایتک شرطیه .

ایشانک مادی تقع و ضرری ، عضویتلر اوزرنده حظ یا خود الم تولید ایتک
 قابلیتلیدر . بو تورلو تقع و ضرر مطلقاً علمی برتحلیل نتیجه سنده عضوی حظ
 واله ارجاع اولونه بیلیر .

معنوی تقع و ضرره کلهجه بو ، قطعاً عضوی حظ و اله ارجاع اولونه ماز .
اشیانک معنوی تقع و ضرری اجتماعی بر ذوق یا خود اضطراب حصوله کتیرمک
قابلیتیدر . بو چشید تقع و ضرر آنجق فوق العضوی بر مسرت یا خود کدورته
ارجاع ایدیله بیلیر .

مثلاً سنجاق نافعدر . فقط بونافعیت مادی دکل ، معنویدر . سنجاق بزه
عضوی حظلر ویرمز . اونک بزم اوزر مزده کی تأثیری ملی حیاتمزی خاطر لایمسی ،
ملی وجدانمزی اویاندر ماسیدر ؛ بو صورتله در که روح مزده علوی بر مسرت ،
قدسی برانشراح حصوله کتیرد .

اشیانک معنوی تقع و ضررینه ، مادی اولانلر ندن تمیز ایچون (خیر و شر)
دنیلمشدر . ایشته بو کونکی علمی قناعته کوره حسن و قبحده یالکز بو
معنوی تقع و ضررک (یعنی خیرلی یا خود شرلی اولق خاصه لرینک) آراتلمسی
اقتضا ایدر .

حسن و قبح مادی تقع و ضرره یعنی حظ و اله ایکی صورتله مایندر .
حظ و اله فردی شعورله تمیز اولونور . حال بو که حسن و قبح اجتماعی وجدانله
تقدیر ایدیلیر . حیوانلر فردی شعوره مالک اولدقلری ایچون حظ و اله دو یغولریله
متحسن درلر ، فقط اجتماعی وجداندن محروم اولدقلری ایچون حسن و قبح
مفهوملر ندن بی خبر درلر .

حسن و قبحک حظ و المدن فرقی بو کیفیتلری تمیز ایدن ملکه لک آری
اوله سندن عبارت دکلدر . اشیانک مادی تقع و ضرره مالک اولمسی طبیعت
مادیه سنک اقتضاسندن اولدینی حالد حسن و قبحه مالکیتی بویه مکلدر . سنجاغک
قدستی و بو قدسیتدن متحصل اولان معنوی فائده سی اونی تشکیل ایدن قیرمزی
رنکلی قماشدن صادر اولماز . بو قدسیت اوکا خارجدن کیشدر . دور قهایک تعبیر نهجه
« اوزرینه قونولش Superposé و صوکرادن علاو ایدلش Surajouté » در .
ای ، معزز ، مقدس دیدیکمز بوتون شیلر مادی طبیعتلری دولایسیله دکل ،
اجتماعی وجدانک اونلره افاضه ایتدیکی قیمتلر حیله حرمته مظهر درلر . بوتونلر
برر تمثالدر که قیمتلری ، تمثیل ایتدکلری مقدس موجودیته یعنی جماعته عائددر .
اجتماعی وجدانک عقلدن فرقه کلهجه عقل بوتون انسانلرده مشترک اولدینی

حاله هر جماعتك وجدانی كندینه مخصوصدر. عقل ایچون طریق بر در دیرلر. فقط وجدانلر ایچون یول باشقه باشقه در. بوندن دولایی دركه بر جماعتجه ایی تلقی اولوتان خصوصلر دیگر بر جماعت ایچون کوتو عد اولونه بیلیر. معقولات ایسه هر یرده معقولیتی محافظه ایدر. بوندن باشقه، عقلك وظیفه سی مفهوم ملرك طبیعی بر تصنیفی یانه رق مرکب اولان شیلری - منطقی عینتله استناداً - بسیط ماهیتله ارجاع ایتمکدر.

عقل، انسانی حیوانلر زمره سنه، حیوانی عضویلر صنفه، عضوی بی جسملر عددینه ادخال ایتدیگی کبی اجتماعی حادثه لری حیاتی حادثه لره، حیاتی حادثه لری کیمیوی حادثه لره، کیمیوی حادثه لری حکمی، میخانیکی و بالنهایه ریاضی ماهیتله ارجاع ایتمکه میالدر. حال بوکه (ده قارت) انقلابندن بری علمك حائر صلاحیت اولدینی ساحه (کیت) عالنه انحصار ایتدیگی کبی عقلك ده موفق اوله جفی عالمك یالکزر کیت ساحه سی اولدینی تین ایتمکدر.

عقل، علمی تجربه لرك یاردیمیه کیفیتلرك و قیمتلرك معادل کیلرینی بری برینه ارجاع ایده رک بونلرك کبی مناسبتلرندن ثابت قانونلر چیقاریر؛ فقط نه کیفیتلری، نه ده قیمتلری تمیز و تقدیر ایده من. کیفیتلرك تمیزی فردی شعوره، قیمتلرك تقدیری اجتماعی وجدانه یعنی عرفه عائددر. [۱] کله جك مقاله مزده عرفدن یعنی جماعت وجدانندن بحث ایده جکزر.

کوک آلب

تاریخ

ابن تیمیه

عائله سی، عائله سنده ظهور ایدن مشهور ذاتلر

ابن تیمیه نه وله نیمه مش و جاریه دخی قوللانمه مش اولدیغندن بالطبع ذریتی ده

قالما مشدر.

[۱] بوراده مقصود اولان عقل مجرددر. عقل متشخص بر ترکیبدرکه عقل مجرددن

باشقه شعور و وجدانی ده مختویدر. ایلریده بوندن ده بحث ایده جکزر.